

大日本史

十

			和書門
	一七〇三	類	
二〇三	函		
一五〇	册		

			和書
	一七〇三	類	
一五〇	册		
二六九	函		

内閣文庫	
番號	和 11703
冊數	150 (126)
函號	269 21





日本史卷之二百

志第

權中納言從三位源光圀

權中納言從三位齊昭

權中納言從三位慶篤

權中納言從三位齊昭

權中納言從三位齊昭

公廨料大寶制凡內外諸司皆給公廨其數

待式處分令本司句錄其費用見在帳年終

日本史卷之二百

一申太政官、令義慶雲元年、賜公廨祿於式
部省大學散位等寮、聖武帝天平八年、敕嚮
制諸國司等、除公廨田事力借貸之外、不得
運送、太宰管國、已蒙處分、但府官任在邊要、
祿同京官、因特給仕丁公廨稻、此亦漕送之
物、宜色數立限、十四年、敕筑前國司、以便國
稻、給大隅薩摩壹岐對馬多禰等官人公廨、
十七年、制割正稅置公廨稻、準國大小立差、
每歲出舉、以其息利、填補官物欠負未納等、

續日本紀

若其有餘、令國司處分、諸國司有公廨

料、始此事、又見出舉條、孝謙帝天平勝寶七

年、以新舊國司、互私公廨稻、制定官物償填

之法、若有剩物、依例處分、延曆文至天平寶

字元年、又以國司交替、各貪公廨、競起爭論、

太政官議設法式、令國司先填官物、割國儲、

後以剩物、作差處分、其法長官六分、次官四

分、判官三分、主典二分、史生一分、其博士醫

師、準史生、員外官各準當色、尋制諸學生新

大日本書紀

任諸國博士醫師者、本年所給公廨、皆送本
授業師、以致尊師之義、續日本紀後至承和改其

制、不論在國兼任、大國二百束、已下、下國五

十束、已上、每年拘留、交易輕物、各送大學典

藥二寮、類聚國史貞觀又改令割公廨十分一送

納、三代實錄二年太宰府言、承前公廨稻一百萬

束、中間官人任意費用、所存止十餘萬束、官

人多而公廨少、離家既遠、生活極艱、請以其

遺稻、悉合正稅、更割管國正稅、每歲出舉、以

其息利、依式班給、續日本紀廢帝寶字三年制、處

分公廨、應須剩物、未知欠負、理難分得、今國

司任中、稱未檢官物、不進稅帳、且用公廨、不

填欠倉、托事前人、規避後怠、自後此類、不給

公廨、沒為官物、延曆交替式尋給陸奧鎮守府公

廨、將軍準守、將監準掾、將曹準目、若帶國者、

不兼給、類聚三代格四年以大隅薩摩壹岐對馬

多襖等吏、居邊要苦飢寒、出舉少稻、曾不得

利、特敕割太宰管內地子、資給守一萬束、掾

目史生遞減二千五百束、但大隅薩摩壹岐別有公廩、不給地子、但以下、類聚三代格、光仁帝寶龜六年、割諸國公廩四分六、益京官俸祿、至十年停之、桓武帝延曆元年、戒敕國司不補欠負、不割國儲、而糜費公廩、詐注稅帳者、五年初寶龜三年、定公廩處分法、前人出舉、後人收納、彼此有勞、不合無料、使前後司彼此平分、至此敕、出舉收納、其勞不同、宜革前例、一據寶字元年式、收納前公廩入後人、收納後

入前人、九年敕立以公廩填補舊欠負之法、

準國大小、各定束數、以其剩物、充國司還家

之資、續日本紀十二年定和泉伊豆甲斐安房能

登石見周防淡路阿波土佐等國司公廩差

分法、守五分、掾三分、十六年敕給畿內國司

俸料、停公廩事力、類聚三代格十七年停公廩皆

混正稅、割正稅利、置國司俸、類聚國史明年敕、前

停公廩、以省民煩、而諸國稱任中未納、徵其

息利、大為百姓艱苦、爾後宜停徵焉、違者罪

之、日本後紀至十九年、令諸國論定公廨、依舊出

舉、類聚國史明年停畿內國司俸料、公廨事力竝

仍舊、類聚三代格二十二年太政官議奏、處分公

廨、據延曆五年格、前人在任、方勞徵收、後人

晚到、纔逢限月、即公廨全歸後人、今量勞逸、

實乖穩便、或有收納未畢、前司身亡、遺孤艱

苦、不忍言者、爾後宜七月以後遷代者、彼此

均分、六月以前全入後人、制可、延曆交替格式類聚三代格

平城帝大同三年、以併省諸司故、敕革前制、

普給公廨於衆司、日本後紀嵯峨帝即位初、敕停

觀察使兼外任者封戶、代以公廨、但陸奧官

多料少、其按察使公廨、自便近國給之、太宰

帥公廨二萬束、自因幡備前備中讚岐伊豫

五國給之、若帥不帶觀察使者、一依前例、類聚

國史弘仁二年、聽太宰府官及管内國島司、漕

公廨春米四分之一、供在京父母資養、但兼官

減半、日本後紀類聚三代格四年以陸奧出羽糧儲欠

罄、非常可慮、敕以二國公廨、混合正稅、以為

大日本史 卷五 五

貯蓄其公廨每年相換給於信濃越後二國
類聚十年造式所奏公廨處分之法屢經改
國史張未得公平今按唐永徽祿令諸祿竝依日
給京官據詔出日外官據符到日給之今總
計一年公廨各準任日數班給則新舊之吏
彼此甘心從之十四年太宰府言管內出舉
府國公廨各別有數據延曆格公廨本爲補
欠若管國有未納須以兩色公廨補之而府
官千里離家一方從事不給公廨何能存活

且府所掌雜物觸類繁積若有欠失何以補
之望請雖有未納全給公廨因敕論定并公
廨計見納數每色相率先令割置不得以府
公廨補當國欠失其府官差分公廨帥十分
大貳六分半少貳五分監三分典二分主神
主工博士各一分大半主城陰陽師算師主
船主廚一分半唐通事一分少半史生弩師
新羅譯語倭仗已下一分差第充給
府官以下延喜
式淳和帝天長元年以中納言良岑安世請

定一良守兼數國之制其公廨就攝國中擇
 殷阜者給以二守分類聚三代格七年以出羽人
 民蕃息邊吏乏資增其出舉稻六萬束公廨
 稻十四萬束明年又增陸奧出舉公廨稻十
 三萬束以優邊吏類聚國史仁明帝承和元年敕
 太宰府司公廨舊班給六國至天長中以民
 部請混給肥後一國今聞轉運多勞民受其
 弊宜復舊制令府班給六國二年鑄錢司言
 本司俸薄一分唯一千束僅支衣食至遷替

莫有路資官乃處分班舉正稅十六萬束於
 備後安藝豐前等五國各三萬二千束以其
 息利每人倍給四年先是鎮守府置弩師其
 公廨準史生先是以下類聚三代格延喜式是歲陸奧亦請
 置弩師給公廨如上續日本後紀是後諸國置弩
 師者皆準之類聚三代格五年太宰府言府官公
 廨依弘仁格處分而今筑前肥前等言頃年
 不稔見納數少論定之外割置雜稻本穎不
 得行府公廨國司所執雖非格旨至於雜稻

絕本、須請處分、但府司失俸、何以得存、請雖有未納、以正稅全給公廨、其正稅之闕、令國司徵填、許之、若當國少稅者、管內相通行之、
續日本後紀 十一年陸奧言、公廨本稻七十萬三千二百七十八束、充國司鎮官二料、今以小利收納、利稻二十二萬五千九百八十三束、有奇、比之前日大利減十五萬六千五百五十五束、有奇、夫邊城之吏、事在勤王、遠辭鄉國、專仰公俸、而所給公廨、以大利算之、一

分之吏、率五千三百餘束、而今已減折、難以卒歲、長吏究竭、何以待夷、本國歲中所收息利、調庸地子等、積貯最多、歲增屋倉、徒有民弊、請以彼稻加賜公廨、但例用外、特有公用、先支其料、後充公廨、奏可、
類聚三代格 清和帝貞觀二年、陸奧出羽按察使平朝臣高棟奏、據承和格、太宰府公廨、雖有未納、全給正稅、邊備之務、東西是一、請鎮守府亦準此例、全給公廨、允之、
三代實錄類聚三代格 六年若狹言、調庸逋

九
卷
一
負、國司史生以上皆奪公廩、博士醫師、除受業練道外、宜同此科、奏可、諸國亦準此、後至十七年、以讚岐請、受業練道亦準國司科、十七年以上野請、聽加舉權、任國司公廩料稻七萬束、八年太政官定新置介掾公廩、甲斐能登丹後石見周防長門土佐日向等介四分、飛驒掾三分、三代實錄十年撰格所奏、舊例一良守兼二國者、同給其俸、按祿令、一人帶數官者、祿從多給、至于國宰、獨給二守分、事乘公

平、請準令制、一從多給、其公廩混正稅、但陸

奧國司兼任中國者、特優其身、不在此限、從

之、類聚三代格十八年山城丹波竝申請、割國司

公廩、準一分給檢、非違使、但有調庸未進、欠

員未納者、準國司例、勘補、從之、陽成帝元慶

二年、丹後亦請如上、允之、五年前此民部省

言、按式、太宰公廩百萬束、管內諸國、各有舉

數、而府司據承和格、管內相通、減彼增此、國

無定數、所司須總勘稅帳、辨知通行之數、然

管國稅帳、有勘有未勘、減加之數、未能辨知、且依格、府貢物有麤惡未進等、應奪府官公廩、而不進其帳、無由勘沒、請使府進公廩處分帳、至是許之、三代實錄延喜制、凡公廩差分法、仍前制、唯中國無介、則長官五分、下國無掾、則長官四分、但陸奧博士醫師陰陽師並準目、鎮守府醫師準史生、其按察使者、準當國守、記事準掾、凡諸國一分已上、遙授兼任者、遷他國并京官者、不得受用公廩、若停任官

符未到之前、處分已畢、有妨改張者、便加國儲、凡鎮守府公廩、給當國并相模、志摩公廩用尾張正稅、給守三百斛、目百五十斛、史生七十五斛、其諸司公廩差分法、長官五分、已下準國司、若無次官或判官者、止準見官為差、延喜式初大寶制、外官皆給職分田、事力以優之、令義及天平置公廩、其法本為補闕、然已立差分法、則國司等得祿亦厚、故京官皆望外任、寶龜中敕割國司公廩、以增內官之

俸未幾以諸國多欠正稅停焉續日本紀藤原緒

嗣嘗奏平城帝曰前世未有公廨特給事力

以優國司及置公廨則利潤已給延曆中停

公廨事力更賜俸料尋又停俸而公廨事力

竝仍舊可謂優厚倍重類聚三代格朝廷待國司

如此而貪濁之吏求利無厭加舉隱蔽流弊

不已百姓恆苦於徵責逋負猥積續日本紀類聚國史

姦猾之民往往逃入莊家不受班舉自延喜

後其弊滋甚類聚三代格公廨出舉至此蓋亦

衰矣

廚料亦公廨之屬也大寶制諸國公田皆國

司賃租送價於太政官以充雜用○按續日本紀天平

八年定賃租田制全與本文同唯雜用太政

作公廨據此令條蓋係天平後改定也官廚料始此太政以下三代實錄太宰府亦

置廚令義以管內地子充其料續日本紀至後中

務式部民部主計主稅侍從彈正京職近衛

兵衛及女官等各皆置廚參取類聚國史續

錄三代實錄延喜式諸國亦置國廚類聚三代

拾芥鈔京城古圖

代實錄、而太政官廚最盛、通稱廚家、三代實錄、政事

要略、孝謙帝天平寶字二年、太宰府以公廨乏

少、請更割諸國正稅、以為出舉、其諸國地子

稻、一依前符為公廨、以充府中雜事、續日本紀日嵯

峨帝弘仁三年制、廚家用料地子、既有定制、

而至雜用料細布、更請官物、爾後宜支度年

中用料、令其所出國、交易備進、永以為例、十

三年令史生堪勘句者、勘侍從廚家公文、類聚

符宣鈔淳和帝天長七年、以宮城內御井町南

地方半町、充中務省廚地、類聚國史八年制、侍從

廚別當、舊無交替、縱有欠損、無由拘稽、自後

宜限四年遷替、付領官物、即責解由、類聚三代格

仁明帝即位歲、主計以寮中置廚、苦於慎火、

請賜散位寮東面地、廣七丈、更立廚家、許之、

續日本紀承和四年、彈正大弼和氣朝臣仲世、

私買近江高島郡田五町、以充廚家之費、文德

實錄九年敕、女官廚別當、廚據延喜式雖非職員、所

掌之物、不異諸司、宜準侍從廚、四年為限、遷

代之日、責解由狀、續日本清和帝即位初、以

太政官廚家綿各二屯、賜五位已上公卿八

十餘人、貞觀二年、詔準承和仁壽例、以新錢

三萬賜侍從廚、是歲又敕免官廚所借大藏

省錢七百四十四貫、絹六十九匹、綿八萬四

千三百三十屯、絲一千八百斤、調布一萬三

千六百端、商布一萬九千八百二十六段、鐵

一百挺、八年又除免借用官米四百七十斛、

三代實錄十八年先是以薩摩請置國廚田十町、

至此更加二十一町餘、類聚三代格陽成帝元慶

五年、初以職寫田充左右京職廚料、是歲以

無職寫、敕限一年、分給山城河內攝津官田、

合一百九十二町餘於兩職、三代實錄六年制、大

納言以上、并諸道博士畿外無主職田、及關

郡司職田地子、皆混合正稅、至明年廚家言、

關郡司職田地子無主之間、注地子帳、檢納

廚家、而嚮下官符、混之正稅、加以頃年任權

官者、每國過半、賜榮爵者、每年兼倍、其公廨

冊
田位田、必給剩田、是以諸國地子、頻稱減少、
廚家用度、常以闕乏、月俸日資、何以支之、請
返收前符、依舊檢納地子、官乃令民部下符、
諸國追收前年官符、三代實錄、政事要略、八年制、少納
言已下召使已上、病料葬料、二親喪料、廚家
式例、已有等差、而前例須外記執申、事有稽
滯、既乖救急、自今以後、料主自出請文於廚
家、廚家從作宣旨、依式充給、立為恆例、類聚符宣
鈔光孝帝仁和元年、聽信濃以剩田三十町

營國廚田、但其地子、任例進納太政官、以為
永例、信濃營田始此、三代實錄醍醐帝延喜十年、
先是例進地子納官廚者、國各有定數、而廚
家費用甚多、例用不給、至是廚家請加春參
河遠江等十一國例納剩鹽代米九十三斛
九斗、例進外地子稻一千三百三十八斛餘、
以補闕乏、從之、十二年廚家奏、廚家年中所
納、每色有限、例用之數、何無色目、延曆十八
年、只定大辨以下季料米數、并兩雜事、未立

故實宜有其備、而舊無公文、執行有疑、是則
句當之官、不慎簿錄、遷替之人、無身累之所
致也、請永置式例及例進雜物、剩田地子交
易直等勘文八卷、以備勘據、遷替之日、若致
紛失、必處重責、不更寬宥、後人不勘領科責
亦同之、尋又奏、元慶中奏請闕郡司職田、依
舊檢納地子、而民部誤以大納言以上及諸
博士職田地子、并給廚家、請其地子依元慶
符、混合正稅、且廚家例用、充以剩田地子、頗

有餘裕、請返進采女國造俘囚等雜田二千
三百六十六町餘、以其地子、混合正稅、又凡
剩田上中下品、各有等差、國司宜均注田品、
而少置上田、多注下田、至其甚者、偏載中下、
全脫上田、因茲動減地子、殆闕例進、請定田
品七分法、又諸國地子帳、其例各異、未有定
法、請立其式例、依式造進、又諸國地子田、每
國有限、一班之後、豈有增減、而國司好以其
田、混於租田、雖所司勘出、而填納無期、時遷

吏替、遂從免除、地子減少、莫不因斯、請令諸國停混合、又諸國物價、各有差別、何依一例、請地子交易物、因年來所進地子帳價數、便爲定法、至十四年、敕皆從其所請、政事要略延喜制、凡廚家雜物、別當外記史與監物主計共出納之、凡廚家別當、一年爲限、二月列見之後、相替、凡諸國地子、除畿內伊賀及陸奥備、鎮兵糧、出羽狄祿、太宰管國、充對馬島司公廨外、交易輕貨、送納官廚、但隨近及緣海

國、舂米運漕、其功賃使用數內、凡諸國例進地子、令所司每年七月以前、申見進未進數、隨卽下符催進、凡諸國例進地子米、并交易雜物、有未進者、拘畱朝集調庸稅帳等返鈔、凡列見定考祿、太政大臣交易商布七百段、左右大臣各五百段、大納言四百段、中納言三百段、三位參議二百五十段、四位參議并左右大辨各二百段、少納言中少辨各一百五十段、內記外記史各一百段、史生三十段、

官掌二十端、內記史生十五段、召使十段、使部二段、直丁一段、凡女官廚年料雜物、隔三年一充、凡京職廚料、每年以職寫田一百町直充之、凡五畿內職寫戶田價、令當國司收地子、延喜式蓋自相家專權後、官廚糜費增甚、三代實錄然及莊園大興、地子減少、廚家亦隨衰、列見定考、或以乏物、不能定期行之、日本紀其料米初課之、近江細江莊、壬生官務所藏斷簡自崇德帝後、近江亦往往不勤辦濟、中右記、台記、吉記、玉

海後更課列見料于大隅、定考料于豐後、各米十三斛、其祿乃終絕、壬生官務所藏斷簡如侍從廚、至後一條帝時、殆廢云、左經學料、凡大學雅樂陰陽典藥等寮、皆置學田以給生徒、兵士習射者、又充射田、國家獎勵文武、其法亦備、今蒐錄其關經費者、而臨時給物、及特敕賜田者、不與焉、聖武帝天平二年、以太政官奏、撰大學生徒、性識聰慧、藝業優長者、十人已下、五人已上、賜夏冬服及食

料、令專精學問、又陰陽醫術生徒各三人、曜
曆各二人、竝準大學生、孝謙帝天平勝寶六
年、置射田於五畿七道諸國、天平寶宗元年
敕、禮樂所興、惟在三寮、門徒所苦、但衣與食、
又天文陰陽曆算醫針等學、國家所要、宜竝
置公廨田以給諸生、大學寮三十町、○類聚
國史作
二十町、雅樂陰陽典藥三寮各十町、內藥司八
町、典藥內藥、據類聚
國史、類聚三代格、尋又敕置六衛射騎田、
每歲季冬、試其優劣、以給超羣者、中衛府三

十町、衛門府及左右衛士兵衛府各十町、續
日

本紀○按類聚三代格、衛門衛士
二府田數、與本書小異、未知孰是、光仁帝天

應元年、太宰府言、管內諸國、所有射田、每郡
一町、兵士選士、其數稍多、請更加一町、總置
二町、一町以充步射、一町以充騎射、竝賜優
等者、以勸武藝、又府學校六國學生、醫生、算
生二百餘人、雖免徭役、無由勸獎、請每國置
田四町、以其半賜明經秀才、其半賜醫算優
長者、敕許之、類聚三代格、桓武帝延曆四年、帝念

故遠江介菅原宿禰古人侍讀之勞給衣糧
 於其四子令勸學業續日本紀儒家特給學料始
 于此公卿補任十三年敕加置越前水田一
 百二町餘於大學寮通前一百三十餘町名
 曰勸學田類聚國史類十七年收大學寮勸
 學田十三町以其八町賜典藥寮為勸學田
類聚三代格帝世大學別當和氣廣世以墾田二
 十町入大學寮為勸學料日本後紀仁明帝承和
 元年以兵部省請給國造田二十町地稅永

充親王及五位已上習射之資續日本後紀文德
 帝仁壽二年以薩摩請置國學生勸學料田
 十町充給學生藥生類聚三代格陽成帝元慶五
 年先是延曆中和氣廣世建弘文院以墾田
 四十町永充學料日本後紀以養和氣氏諸生西宮
記拾芥鈔其後菅江兩氏設文章院分東西曹司
 各教其子弟本朝文粹弘仁中藤原冬嗣亦
 設勸學院折封戶及買置田業於諸國充學
 料以教藤氏子弟續日本後紀嘉祥中大皇

太后攝氏與弟氏公議創學館院文德實錄西宮記

至此在原行平亦奏置獎學院分給封戶田

園本朝文粹西宮記竝教其一門諸生西宮記拾芥鈔光孝

帝即位先是大學頭藤原佐世言據式左右

京職出舉錢貨以其息利充學生菜料其所

舉即延曆新貨而天長以降絕而不納夫隆

平永寶以後錢文五改兩職須每改舊貫請

換新錢而忽略其事全失本物今給諸司公

廨錢者為修官舍也然新錢初滿十倍本源

況大學育材之用豈官舍之比哉請準據式

文充給新錢每年出舉依例令送若致未進

拘職考祿至此敕從之給新錢三十三貫於

兩職三代實錄孔子像座下書曰元慶元年冬至日學

徒侍講筵者八百人此像蓋初在京師後移

于此者當時生徒之眾如此然恐非皆大學

所養者附延喜制凡常陸稱稻五萬四千束

近江越中備前伊豫各一萬束預國司出舉

以其息利舂米并交易輕物每年附貢調使

送納充寮家雜用若有未進移主計寮拘使

返抄、凡丹後稻八百束、預國司每年出舉、以其息利交易味物、送寮充學生等菜料、凡越中礪波郡墾田地熟田十三町餘、未開地五町餘、播磨印南郡墾田地熟田五町餘、未開地九町七段餘、荒田一町九段餘、山城久世郡田七町、準鄉價賃租、以充學生食、白田一町、永爲菜圃、其在京中園地者、任令得業生等居住、若有餘地者、種殖雜菜、以充食料、學生等年中食料鹽、令備前國司、每年出舉正

稅一千束、以其息利、交關上進、凡諸博士學生等、計宿給燈油料錢、明經博士夜別各二十文、餘博士十五文、先生十文、後生五文、充以越後墾田五十町地子物、凡陰陽寮勸學田、河內攝津各五町、依當土估賃租、以充諸生等食料、凡典藥寮勸學田十八町、以大和九町近江四町地子加月料、共充醫針生食、以大和五町地子、充藥生等食、凡大學陰陽典藥三寮得業生、皆給時服月料、各見其條、

其陰陽寮觀天文生一人、不立年限、衣服食
米、準諸得業生給之、凡左右近衛兵衛射田、
竝各十町、以其地子、充教習騎射步射用、凡
左右衛門府射田、各十四町二段餘、凡太宰
府管内諸國射田仍舊制、自餘有兵士國、每
郡置田一町、其地子交易輕貨、國司簡試上
番兵士、不限騎步、人別令射十箭、每日所試、
勿過二十人、斟量能不、隨狀給之、其能射人、
及所給物數、附朝集使、申送兵部省、延喜然

當時制度解弛、學料等制、蓋不如式文也、三
善清行嘗上書、略曰、往世大學置生徒四百
人、給以越前加賀郡沒官田一百餘町、山城
又世郡公田三十餘町、河內茨田澀川兩郡
田五十五町、以充其食料、號曰勸學田、又每
日給大炊寮百度飯一斛五斗、人別三升、且
令常陸每年舉稻九萬四千束、以其利稻、充
寮中雜用料、丹後舉稻八百束、其利稻充學
生口味料、而至承和中有故、返給加賀郡沒

官田、又四分久世郡田、其三分給典藥左右馬三寮、纔留一分、充學生料、若河內兩郡、皆成廢田、又常陸丹後出舉、本稻皆失、無有利稻、當今所遺者、唯大炊寮飯料米六斗、久世郡遺田七町而已、七町據政事要略以此小儲、充數百生徒、雖作薄粥、猶亦不周、請常陸丹後兩國利稻二萬八千四百三十束之代、遍以諸國田租穀充給、以供學生等食、又加賀郡田、重亦沒官給穀倉院者、依舊返給、以爲勸學

田、本朝文粹此後大學漸衰、而學生等歎訴、請學

問料者甚多、本朝文粹類聚符宣鈔朝野羣載朝廷乃設課

試法、撰拔以給之、累世相因爲例、日本紀略古今著聞

集、其取給於穀倉院者、謂穀倉院月料、或稱

燈燭料、本朝文粹朝野羣載藤氏學生則受於勸學院、

比給穀倉院料者、待遇稍優云、朝野羣載村上帝

應和三年、大納言源高明請以獎學院源氏

學生、準勸學院藤氏賜年俸、許之、日本紀略一條

帝長保四年、先是大江匡衡子舉周賜學問

史記 卷之...

料江吏至此匡衡又為其孫能公請賜學問

料謂菅江兩家傳門葉不論才否不拘年齒

例必蒙鴻慈以繼先業請早賜燈燭料本朝

朝野近衛帝時崇德上皇令左大臣藤原賴

長行菅藤兩氏學問料試於其策古今著高

倉帝安元元年以明經博士清原賴業兼穀

倉院別當治承四年諸家學生數人競望學

問料右大臣藤原兼實判云當依才幹之優

劣玉至後世唯菅氏猶給學料云和長

要劇料番上料元正帝養老三年簡劇官給

以錢貨準其官位多少有差要劇料始此日本

後紀類聚平城帝大同三年併省諸司因制

諸司百寮本有閒劇故資俸賞賜亦有厚薄

今官量宜併省則賞何仍舊法其要劇馬料

等宜普給衆司詳為條例明年以米價歲倍

定職事四位已下初位已上要劇料停錢給

米一人日二升但觀察使不預此例其坊令

不在給限其坊以下類因令細勘上日依實

其坊以下類因令細勘上日依實

申送、尋又給史生笛工笛生歌人等二十二
人番上糧米、各日別一升、尋以下、類聚三代格、嵯峨帝
弘仁三年、敕停諸司要劇米、復給錢、日本後紀十
一年定式、凡諸司要劇、錄前月應給官人及
物數、每月四日申官、即加官要劇、造總目申
太政官、官下宮內省、十三日出給、延喜式初要
劇料給以錢貨、後賜糧米、平均無別、爾後相
分二物、普給百官、至陽成帝時、國用多費、倉
廩闕乏、月俸日糧、殆不能給、因賜以外庫物、

而諸國皆申正稅不足、不動亦盡、元慶五年
制、官田之設、爲利朝家、然文官武職、要劇資
糧、年少見行、月多不給、宜分割官田、永充其
料、於是給山城官田十九町八段、餘於圖書
寮、十二町八段、餘於散位寮、二十一町、餘於
治部省、二十四町六段、餘於刑部省、四十二
町、餘於判事、各九町、餘於囚獄正親二司、八
町、餘於采女司、三十町、餘於彈正臺、各十二
町、九段、餘於左右兵庫、大和二十三町、餘於

大皇太后宮職、二十二町七段餘於皇太后
宮職、六十町餘於內藏寮、三十二町餘於大
藏省、二十四町五段餘於主殿寮、三十三町
七段餘於左近衛府、三十一町餘於右近衛
府、各二十六町五段餘於左右衛門府、各三
十三町七段餘於左右兵衛府、六十一町六
段餘於左馬寮、五十九町餘於右馬寮、河內
三十四町餘於式部省、十六町五段餘於玄
蕃寮、三十二町餘於兵部省、四十二町七段

於大膳職、二十町七段餘於木工寮、三十五
町五段餘於掃部寮、二十四町餘於內膳司、
各二十六町八段餘於左右京職、攝津十六
町餘於大舍人寮、十三町九段餘於縫殿寮、
二十三町餘於內匠寮、二十一町九段餘於
內藥司、四十七町六段餘於雅樂寮、二十町
五段餘於諸陵寮、十町餘於造兵司、十九町
六段餘於鼓吹司、十二町六段於隼人司、三
十町餘於大藏省、十二町六段於織部司、三

十四町六段於木工寮九町餘於造酒司六町九段餘於園池司九町餘於主水司七町九段餘於主油司各七町九段餘於東西市司並爲要劇及番上料明年改定其法太政官中務省監物大學寮民部省宮内省大炊寮七司皆給以米其他大舍人内藏圖書縫殿内匠寮式部治部省雅樂玄蕃諸陵寮兵部省隼人司刑部省判事囚獄司大藏省織部司大膳職木工主殿掃部寮正親内膳造

酒主水采女司彈正臺左右京職東西市司左右近衛衛門兵衛馬寮三十九司並充官田因敕太政官并出納諸司及諸給月料者猶給京庫其番上資糧充給外國者分留京庫之色依例行之又八省卿彈正尹二府大將四府督及皇子在官公卿兼職者並不在給限八年以山城官田十二町九段河内十町四段攝津十町五段爲主稅寮要劇番上料停給京庫

類聚三代格

光孝帝仁和元年以山

城乙訓紀伊綴喜三郡官田五町餘給彈正
 臺番上料攝津菟原郡二町餘給造墨長上
 要劇料二年以山城官田四町七段餘河內
 一町給史生等山城七町五段河內四町有
 奇攝津十三町有奇給左右史生等並為番
 上料二年以下類聚三代格以河內大縣澀河二郡十
 町餘充內記攝津八郡四十七町餘充主計
 寮山城乙訓愛宕紀伊三郡三十五町餘充
 勘解由使並為要劇番上料內記番上料據類聚三代格

停給京庫三年勘解由使言史生等繕寫公
 文終日勤勞非諸司分番從事之例請準民
 部主計主稅等史生給長土糧米聽之三代實錄
 四年以山城官田一町餘給內膳司番上料
 停給京庫宇多帝寬平元年定山城官田十
 六町八段餘為主鈴典鑰等要劇料停給京
 庫八年收散位寮判事巡察彈正左右兵庫
 內藥造兵鼓吹園池主油司要劇番上料在
 山城者七十一町餘攝津六十六町七段餘

爲官田、先是定諸司給番上糧者、前月五日、錄應給物數、移宮內省、省卽總計申官下符、其要劇并番上料、具載年終帳、而自元慶中、割官田充番上料、諸司不進糧文、見任不仕、無知其由、至此制、長上番上、職掌雖異、從事勤公、給稟惟一、自後宜宮內依例進糧文、隨卽下符勘解由使、令勘會年終帳、明知用殘、若有勘出、一如要劇、九年以太和官田二十五町六段餘、攝津三十三町餘、爲內匠寮長

上要劇料、收木工寮闕官料、河內二町八段餘、攝津十九町餘、充其長上要劇料、以攝津十一町五段餘、充典藥寮侍醫等要劇料、山城一町、攝津二十一町八段、充兵庫寮要劇番上料、並皆停給京庫、醍醐帝昌泰元年、以山城官田七町餘、大和十五町九段餘、河內五段有奇、給中宮職、山城四十餘町、大和十四町六段餘、給修理職官人并長上要劇料、停給京庫、類聚三代格延喜制、正親司闕官及不

仕官人已下要劇番上料者充修理司中小
 破并雜用、彈正臺闕官不仕要劇者充臺中
 雜用、左右京職闕官料要劇田地子者充職
 家公用、東西市司要劇料、充司中修理雜用、
延喜式
 月料、大糧、大寶制、諸國租春米輸納、大炊寮、
 充諸司常食、其庸米送民部省、充衛士仕丁
 采女、女丁等食、令義解、令集解、其月給米者稱月糧、
 大膳職又給諸司菜料、令集解、後稱其春米雜

味月賜親王已下者曰月料、庸米給衛士仕
 丁等者曰大糧、延喜式 聖武帝天平三年、阿波
 備前備中等戶座、各給月料、每人三斗六升、
類聚三代格 平城帝大同三年、停有品親王月料、
 四年減諸司官人已下月料、尋定史生已下
 雜色人已上月料之法、日本紀後 帝置左右近衛、
日本紀略 簡其武藝優長者各十二人、長上十三
 日、番上十日以上、月別特給白米一斛、鹽一
 斗、延喜式 嵯峨帝弘仁三年、異能兵衛每府四

人、亦準近衛給月糧、日本後紀四年後宮御火炬

御井守各二人、竝預月糧、九年大學寮官人

已下學生以上、停要劇本糧、竝預月糧、類聚三代

格十一年定式、親王以下月料物、錄來月應

給數、每月十日申太政官、官下宮内省、二十

五日出給、大糧每月十六日申官、下民部省、

二十二日出給、延喜式尋制、親王已下月料、諸

司每月申辨官、官即下符、依例令充、其事亦

煩、今後宜令宮内、每月收所司解移、勘會充

行、若事有增減、即乞官裁、是歲置針生五人、

給月料、是歲以下、日本紀略文德帝齊衡三年、以宮内

言制、親王已下新預月料者、不更請裁、直以

省符行之、其滿限及薨卒之類、竝待官符除

焉、類聚三代清和帝貞觀十二年、松尾社物忌

一人、永充月糧、本朝陽成帝元慶七年、以山

城官田九町四段百餘步、充御及大皇太后

皇太后宮主戶座六人月料、類聚三代光孝帝

仁和元年、以山城官田七町餘、給平野社預

及御炊女等五人月糧、停給見米、二年以山城和泉攝津官田九十二町餘、賜典藥寮、為月料田、停給京庫米、三代實錄、類聚三代格宇多帝立、定山城河內攝津官田合五十七町餘、給陰陽寮官人已下諸生已上二十八人月料、山城二十一町餘、給主殿寮殿部二十人糧料、竝停給京庫、寬平三年、定山城官田三町七段餘、為中宮職宮主戶座等月料、類聚三代格三當時定尾張越前播磨伊豫土佐等十八國、貢

租春米、延喜式、類聚三代格充給諸司諸衛、槩稱曰大

糧、類聚三代格而諸國往往稱徵穎、不行大

糧、朝廷不獲已、開用不動倉、類聚三代格帝誠嗣

主、令禁諸司大糧費、不動物、寬平遺誠醍醐帝延

喜二年、下敕諸定國、禁止徵穎、依格貢進春

米、類聚三代格然國司闕貢、不能常給大糧、政事要略

六年、播磨明石郡大領赤石貞根進私穀五

千斛、因充諸司大糧、授貞根外從五位下、扶桑

略記裏書尋修式、備著其給法、雖事涉煩碎、略加

採錄以見其梗槩焉凡月料大糧申官出給之法依弘仁制凡月料無品親王內親王及妃夫人女御各米一斛五斗醬一斗二升女御醬減半未醬六升鹽一斗五升女御鹽減九升其他給東廩隱岐廩堅魚煮堅魚堅魚煎汁烏賊鮭腊鮫紫菜海藻海松等各有差親王乳母米六斗及鹽海藻加茂齋內親王米三斛稷二斗四升醬鹽未醬各一斗五升及東廩堅魚堅魚煎汁紫菜海藻齋院雜色

人料米二十二斛六斗八升鹽二斗二升六合平野古開久度松尾四社物忌各米三斗六升采女四十七人各四斗五升采部三人九斗女孺二百七十五人一百五十六斛中宮女孺二十七斛六斗內教坊命婦已下一百人二十斛內豎二百人三十六斛采女已下皆給鹽若醬滓醬但中宮女孺否凡以日給者大藏縫女三十人總米四升其二十六人給鹽長人米五升侍從三十人其一人米

二升、自餘各一升六合、醬、酢、鹽、東鰻、隱岐鰻、
鮭、堅魚、煮堅魚、堅魚煎汁、烏賊、雜鮓、海藻、未
滑海藻等、各有數、內舍人二十五人、各米一
升六合、及鹽鮓雜腊、太舍人四人、各八合、春
宮坊帶刀三十人、各二升、諸講書博士、諸得
業生、並各二升及鹽、雜魚鮓、海藻、博士又給
鰻雜魚腊、大學生五十人、漢語師、並各一升
二合、觀天文生二升、藥生十人、各八合、漢語
師及生、特給鹽、滓醬、雜魚腊、海藻、中務史生

省掌、民部宮內監物史生、春宮坊史生舍人、
共九十七人、並各一升、大學寮官人六人、左
右近衛府生、番長、近衛、左右兵衛府生、番長、
兵衛、左右衛門府生、門部、俱八百三十人、並
各二升、大學史生四人、各一升二合、圖書寮
紙工一人二升、御火炬童一人、一升二合、三
人各八合、御廚子所膳部六人、俱四升八合、
女孺四人、三升二合、宮主一人八合、候內裏
侍醫一人、一升五合、出納官物諸司五位已

下主典已上、各六合、史生減二合、出納諸司
又給鹽、滓醬、鮭、雜鮓、勘解由使長官已下、書
生已上、俱三斗二升二合、及滓醬、魚、鹽、檢納
薪諸司、五位四人、各八合、六位已下七人、史
生十七人、各六合及醬、鹽、薄鮓、烏賊、雜腊鮓
但五位已下、減醬、烏賊、史生又減薄鮓、鮓、內
膳膳部三十人、各一升、仕丁十七人、作手十
一人、各黑米二升、竝給鹽、主水司守御井二
人、各黑米一升、中宮東宮亦同、圖書寮驅使

丁、各米二升、雅樂寮歌女三十人、各黑米八
合、凡併給諸司者、監物、主鈴、典鑰、圖書寮、內
膳司、內裏殿上侍所、校書殿、進物所、贄殿、御
書所作物所、畫所、藏人所、女藏人、及雅樂寮
蕃樂人、御膳宿采女等、日米三斗已下一二
升已上、藏人所又給腊、魚、滓醬、鮭、海藻等、主
鈴、典鑰、畫所給鹽、或滓醬、其他給糧者、主殿
寮、今良男一百四十一人、女二百二十六人、
竝給月糧、男日黑米二升及鹽、女米減五合、

掃部寮作手八人、各黑米一升六合、圖書寮
造墨長上及造手共五人、各米一升六合及
鹽、滓醬、海藻、木工寮工部、内匠寮番上工、織
部司織手、共造機工、俱一百三十三人、竝各
黑米二升、織部司三十五人、又各給閒食四
合、薄機織手五人、各白米一升六合、絡絲女
三人、減一合、内藏寮番上史生、藏部、教旨舍
人、共三十九人、各一升、其雜作手仕丁及縫
殿寮染手、俱九十二人、各黑米二升已下、白

米一升五合已上、今來隼人、男日黑米三升
及鹽、女米減一升、取畿内隼人者、限二十人、
日各黑米二升及鹽、采女樵丁一人、每月黑
米六斗及鹽、凡囚獄物部丁八人、給糧準諸
司直丁、凡諸國女丁糧、每月準仕丁、所司移
民部、凡近衛駕輿丁直丁等米鹽、每月請受、
餘府亦準焉、凡大學寮月料米、不更待口宣
受之、凡衛士仕丁、自正月至六月、割大糧内
給商布、自七月至十二月、給綿、木工寮工部

準之、凡木工寮史生將領等月糧、便以寮庫物充之、凡縫殿寮女孺七十八月糧、不經女官廚、直受大炊寮、寮直令良二十四人糧米、不經主殿、寮家直受充、凡內藏御藏并門守火長等月糧、寮請班給、凡諸司諸家月料糧料、停給京庫、可給外國者、槩充以黑米、凡應給諸司月料魚肉者、宮內省司、每月臨勘廚庫、量物多少、申官充用、凡諸司仕、不掃除宮中者、若有關急、民部省留其月糧、三斗、申官

返上、凡門衛火長等守諸門殿亭者、若致非理損、京職卽移民部并本府、奪其月糧、延喜式

此後親王已下月料無所見、而大糧尚有定國以給之、其院宮隨時有出入、江家次第朝廷因

使在京國司處分焉、至圓融帝天延三年、國司無復行大糧者、六衛官人乃各執弓箭、詣

陽明門訴之、日本紀略會越前守藤原爲盛在京

師、衆廼往其第、爲盛杜門不納、衆設幄於門外、守而責之、久而爲盛具薄饌、密置利藥於

酒中延衆饗之、因陳謝曰、僕素非有所吝惜、
適會旱災、妻孥且不能贍、此所以負公等、公
等請恕焉、言訖號哭、衆亦不敢責、時方盛暑、
衆皆飢渴、恣意飲啖、俄而皆腹瀉、汗穢委頓、
而去、京師傳笑之、而朝廷竟不問也、今昔至
後世大糧分給益少、臺隸之輩、衣食不支、續本
粹朝文院宮諸司、或不待官符、自作移牒、恣催
收諸國料物、猥濫極矣、江家次第
節料、卽節日饗王臣者、大膳職、大炊寮掌之、

其食法始見於弘仁之式、凡新嘗會、親王已
下、三位已上、并四位參議、各給米并餅料、粳
米、糯米、糯糲、小麥、大小豆、胡麻子、糖、油、齋酒、
酢、醬、鹽、豉、堅魚煎、及生栗子、搗栗子、椎子、一
升、二合已下、一勺已上、俱七升餘、東鰻、隱岐
鰻、繩貫鰻、堅魚、烏賊、熬海鼠、押年魚、與理刀
魚、雜魚、脯、楚割、雜腊、鮓、及紫菜、海藻、二斤已
下、二分已上、合六斤餘、鮭二分、隻之一、橘子
十顆、鮮物充直、四位五位并命婦、庶品準上

有殺以升給者八合已下俱三升七合餘以斤者一斤已下合二斤十一兩餘鮭六分隻之一橘子減半不給堅魚煎鮮物大歌立歌各給米鹽東鮓大鯖雜鮓海藻正月七日諸司主典以上給法準此國栖笛工給米鹽雜鮓鮭海藻延喜仍之諸節皆準新嘗會但五月七月九月三節省雜餅及蒜其五月加粽料糯米八合及大角豆甘葛汁枇杷俱四合五位已上糯米枇杷等減半餘節亦降殺大

抵如之七月加索餅二橐及未醬四勺生大豆大角豆各二把李子四合熟瓜桃子合九顆蓮子五房九月加生大豆二把桃子梨子菑子合十八顆菱子八合其文人料五位一人特給醬齋酒酢鹽及生栗子菱子俱一升六合餘東鮓隱岐鮓堅魚烏賊熬海鼠雜魚脯楚割押年魚與理刀魚腊鮓海藻合三斤鮭五分隻之一青大豆二把桃子梨子熟柿菑子合十六顆六位已下滓醬鹽腊鮓及

鮭六分隻之一、凡正月十七日七月、竝除命
 婦大歌立歌國栖笛工、五月九月、乃省大歌
 立歌、凡齋院元日節料、給白米二十斛、糯米
 四斛、大小豆各二斛、胡麻粟各一斛、油六斗、
 鹽二斛、其他神事佛會等雜給、色目甚多、不
 遑枚舉焉、延喜式
 交替料、凡國司遷代者、皆給夫馬、謂之交替
 料、其向國不乘驛傳者、亦給馬、元明帝和銅
 五年制、國司不乘驛傳而赴任者、長官給馬

七匹、判官已下五匹、史生二匹、其遷代者、長
 官給夫三十人、馬二十匹、六位已下官長并
 次官、夫二十人、馬十二匹、判官夫十五人、馬
 九匹、主典夫十二人、馬七匹、史生夫六人、馬
 四匹、郡司以公事向京者、竝給夫馬、其取海
 路、水手之數、準陸道夫、但依犯解任者、不在
 給限、參取續日本紀、令集解、政事要略引交替式、至聖武帝天平
 五年、以太政官言制、遷替國司歸京者、亦給
 馬、四位守六匹、五位五匹、六位已下四匹、介

掾各三匹、目史生竝減一匹、若歷國者、依多給之、不給兩處、緣犯解卻、不入給例、續日本紀八年制、遷替官人給夫馬者、雖在任一二年而得替、若為處分者、不論年數、皆給之、延曆式光仁帝寶龜十一年、敕增太宰府官歷任為五年、停給交替料、以省民弊、貞觀式平城帝大同三年、改太宰管國官人歷、準府官、停交替料、日本後紀觀察使奏、和銅以來、國司遷替、充給夫馬、令送故鄉、因循為例、于今未停、但太

宰府則增其歷限、停給焉、而今諸國司秩限、六歲為期、交替之料、事須一例、請準府停給、但限內遷替、非依犯解任、及在任身死家口、仍舊給之、又按新格、博士醫師、八年為限、史生獨因舊制、請博士等料、亦從停止、但史生仍舊許之、淳和帝天長元年、上野言、按弘仁六年格、國司遷替、依慶雲制、其博士醫師、六考為限、然則慶雲之格、既有交替料、而至于弘仁、唯立年限、不具給料事、遷代之官、愁訴

不少、遵行有疑、輒難聽許、謹請官裁、乃敕、宜
仍舊給之、五年敕、太宰府及管國史生已上、
歷任五年者、不給交替料、而餘國博士醫師、
六年遷替、仍舊猶給、普天之法、彼此枝梧、自
今以後、守介及博士醫師、歷任五年得替者、
停給交替料、貞觀交替式、政事要略、清和帝貞觀五年、
先是陸奧國司給交替料、至此出羽國司、亦
準陸奧例給之、三代實錄、尋著為永式、但延任之
輩、不在此限、政事要略、貞觀式、八年越中言、本國浪

人任史生以上、及土人補博士醫師者、遷代
之日、據和銅格、給交替丁、其來尚矣、夫給夫
馬者、實為送歸之資、固非輸物之備、而不熟
格旨、歷世充給、貪吏徵求、苛勸功物、彫弊之
民、舉門逃亡、國之蠹害、莫甚於此、請國司并
博士醫師、不歸故鄉者、皆停給丁、以濟窮民、
從之、諸國皆準焉、政事要略、十三年定式、鎮守府
官人已下、非延任之輩者、給遷替料、政事要略、貞觀式、
立為永例、延喜制、國司遷代、皆給夫馬、其

數竝同和銅制其水手太宰帥七十人以下、
少貳以上五十人以下、判官以下三十人、史
以下史生十人以下、竝量事給之、不必滿數、
但依犯解任者不給、鑄錢司官人已下、亦準
國司、延喜式

諸司賜田、有充公廩者、有供雜用者、又有不
言其充用之色者、今併錄于此、元正帝時、以
土佐水田一百町、充施藥悲田二院、扶桑略記孝
謙帝時、賜越前墾田一百町於施藥院、續日本紀

桓武帝延曆十七年、收大學寮勸學田大和
二町近江三町、充主馬寮公廩田、類聚三代格二
十年賜平城京地一町於式部省、類聚國史平城
帝時、賜大和攝津越前播磨信濃水田二百
四十七町五段餘、大和山城陸田十七町餘
於左馬寮、大和信濃越前播磨水田二百四
十五町五段餘、大和山城陸田十七町餘於
右馬寮、類聚三代格寮每年營種、自餘收其地子
以充秣料及雜用、其遠國交易輕物送寮、但

信濃馬冬芻并貢馬籠頭料亦用地子山城
大和陸田充年料芻闕乏及寮雜用延喜式嵯
峨帝卽位初賜內藏寮河內田十一町於正
五位下伊勢朝臣繼子沒後收爲寮田類聚國史
尋賜右京地一町於右近衛府日本紀略近江剩
田二十八町於中務省大和添上郡地二町
於左近衛府日本後紀淳和帝時賜山城地五町
九段河內荒閒地五十町於大學寮攝津垂
水莊公田一町八段於齋院司河內澀河郡

荒廢閒地二十町近江空荒地并五十七町
餘於典藥寮河內若江澀河二郡地二十町
於陰陽寮近江高島郡荒廢地一百五十餘
町於彈正臺山城愛宕郡地五段於內藏寮
水田五段陸田一段餘於春宮坊尾張空地
三十餘町於刑部省又割大學寮河內澀河
郡田六段畠四町餘給內教坊類聚國史仁明帝
承和中賜園池司荒地二町東鴻臚地二町
於典藥寮其鴻臚地爲御藥園續日本後紀清和

大日本史卷之二百
帝時賜土佐幡多郡地十町於施藥院、河內
若江郡空地四町於陰陽寮、山城葛野郡民
地六段餘於鑄錢所、其民地轉剩陸田給本
主、光孝帝又賜山城官田三十二町五段餘、
攝津五十二町八段餘、和泉七町於典藥寮、
山城愛宕郡地五町於施藥院、三代實錄其他園
池司有公廨田四町、類聚三代格左右馬寮公廨
田各五町、在大和山城、充官人料、若有不仕
輩者、充寮中雜用、雅樂寮公廨田、在近江者

二十町、收其地子米、充年中用度、延喜式竝見
格式、不詳其何世賜之、園池司公廨、宇多帝
時、收爲官田、類聚三代格

大日本史卷之二百

